

BLICKPUNKT: ALLE NACHRICHTEN UFF PÄLZISCH

ZU DERRE SEID DO

Seit zwee tausend werd jedes Jahr am eenezwanzigschde Februar de innernationale Dach der Muttersprooch gefeiert. Die Unesco hatten ausseruf als Gedenktag, weil se die sproochlich unnd kulturell vielfaltig die Mehrsprachigkeit fördere will. Unn was iss unner Muttersprooch, also die, wu ma als ersches lerne? Nadierlich Pälzisch.

Also mache mir vunn de RHOIPALZ heid zu demne innernationale Daach emol widda a ganze Seid mit Adickel uff Pälzisch, weil's Eich unnd unns ledschd Johr schunn so viel Schabss mache hat. Mir mache awwer widda nix Kinschliches, Alles echd. Alles Sache, die ma sunschd aa im Bladd han. Ortsgemeinderat, Versammlung unnd so. Mer kenne streng schornalisch gemacht. Nur hald emol a bissje annerscher gschrubb.

Wie ma unns pälzische Werderrichschid schreibd, wisse ma net immer. Fachleit gebb's dadefer, glawwe ma, aa ned. Desdeweile hamma unnerer Midschweier die Wahl gelos. Se derfe heid ausnahmweis emol so schreiwwe, wie ne de Schawweil gewachs iss, iss zwar e bissel schwerer zu lese – awwer an es Daach hoffentlich aa zulässig unnd die Mieh werd. Mache ma jo ned imma. (wop)

„E Stick Heimat“

INTERVIEW: Es Saalfeld Rosemarie vum Sproochverein find Pälzisch wischdich

Die Saalfeld Rosemarie vunn Waldmohr iss beim „Verein Deutsche Sprache“, unnd dort iss ogar Regionalleiderin. Beim Interview mid dem Müller Torben un de RHOIPALZ hat se erzählt, dass in ihm Verein all e bissje unääns sinn, ob Dialekt guud oder schesdich iss. Sie selbschd redd gern Pälzisch – dess hat se als klää Määdsche schunn gemacht.

Was genau macht dann de „Verein Deutsche Sprache“, unnd was iss Ihr Uffgab als Regionalleiderin?

Mer kämpfe gch unneedsche Anglizisme – also Amideitsch – in unnerer schääne Muttersprooch. Unn ich bin die Ansprechpartnerin im Poschtleitzahlgebiet 66. Iss guck, wu was in Englisch is, was mer aach deitsch ausdrücke kennt, unnd froo dann aach noh, warum die Leid dess so mache. Meischdens wer ich dann groß angeguckt. Iss gebb dann als aach Urkunde raus, ledschd Johr sem Beispiel fer die Karlsberch-Brauerei, weil se so schää deitsche Reklame mache. Mit dem Englische kennen jo vor allem äldere Leid nix anfangen:

„Coffee to go“, „Sale“, „Come in and find out“ – kumm rinn unnd guck raus...

Woher kommt Ihr Interesse fer die Sprooch?

Ich hatt do schunn immer e Talent, dess is alles. Sprooch hann ich schunn in de Schul schnell gelernt. Weil ich 2008 die Delegierensammlung in Kusel mitorganisiert hatt, iss de Verein uff mich zukumm unnd hat gefroot, ob ich die Regionalleitung iwwernemme will.

Hann Sie schunn immer Dialekt gesprochen?

Ja, seit ich klää war. Als ersches hann ich hochdeitsch gelernt, weil mer Mudder wollt net, dass ich Dialekt redd. Iss hann's dann awwer uff de Stroß unnd in de Schul gemacht. Iss bin froh drum, dass es so geloff iss, weil ich finn, mer muss beides kenne.

Unn wie steht eier Verein zum Dialekt? Dess iss unne e Streittheema. Ich bin stellvertretende Vorsitzende in unnerer Arbeitsgemeinschaft Dialekt ge-

worr, weil ich jo aach in Waldmohr als die Theatersticke vunn Kreamief ins Pälzische übersetzt. Es gebb awwer aach genuch Mitglieder im Verein, die de Dialekt net gut finne. Die mäane, dess deet die Worte aus'm Hochdeitsche in de Hinnergrund dränge, unnd die däden dann frieher oder speter durch englische ersetzt werre. Issch mäan jo, dess iss Bleedsinn, weil de Dialekt iss fers Alltägliche, was grad so bassiert. Beim Offizielle, in Bücher unnd Berichte bleibt jo alles erhall. Uff jeden Fall iss die Diskussion im Verein noch längschd net ferdisch.

Wie isses dann im Kreis Kusel? Wie viel Dialekt werd dann bei uns im Vergleich zu annere Regione in Deutschland gesprochen?

Eher wenischer. In Bayern oder Schwabe denk ich kääner was de bei, do sprechd mer aach beim Schafte Dialekt. Bei uns hann viele so e bissje Angschd, es kennt komisch wirke. In de ledschde Jahre isses eher noch wenischer wor, mäan ich, do misse mer e Bewusststärke – weil Dialekt iss e Stick Heimat!



Es Saalfeld Rosemarie kämpft fer die deitsch Sprooch mit ihrem Verein, iss awwer a großer Fän vum Pälzische. FODDO: M. HOFFMANN

Erfolgreiche Veldenz-Forscher

LAUDEREGGE: Beim Regionalscheid vunn „Schüler experimentiere“

Die Jungforscher vum Veldenz-Gymnasium in Lauderegge werre aach in dem Johr widder erfolgreich. Drei Projekte hatte die Schüler beim Wettbewerb „Schüler experimentiere“, de Jugend-Spart vunn „Jugend forschd“, ingereicht. Zwää ersche unnd e dritter Preis hann se vum Regionalentscheid mitgebrum. Bei ihre Projekte dreht sich alles um Kaugummi, Moos unnd Hausmittel geje Flecke.



Die junge Forscher (vunn links noh rechts): Johannes Scheidt, Marieke Bellmann, Anna-Lena Schlich, Jessica Remme unnd Felix Nagel. FODDO: M. HOFFMANN

Anna-Lena Schlich is e Proffi, wann's unnd „Schüler experimentiere“ geht. Sie hat zum drittel Mol am Wettbewerb teilgenomme unnd is zum zwedde Mol Regionalsieger. „Schütze Moose Hänge vor Erosion?“ – dess war ihr Forschungsfroch im Fachgebiet Geounnd Raumwissenschaft. In 'me klääne Kaschde hat se getescht, bei weiler Moos-Sort unnd welchem Bodde am wegneschde Erd durch Wasser weggespült werd. „Ich wollt was mit Umweltschutz mache, weil mir dess persönlich wischdich iss“, saht se. Bei änem Waldspaziergang iss se uff die Idee fer ihr Projekte gekomm. Sie wollt wisse, wieso im Wald die Häng net rutsche, im Neibauegebiet awwer schunn. Mit ihre Tests konnt Anna-Lena nachweise, dass Moose de Bode vor Erosion schütze. E Kombination aus Gärde-Erd unnd Moos, dess uff Steine wächst, is de beschde Erosionsschütze: Do wurd nix weggespült. Sand eignet sich hingegen net fer Häng. Der nemmt nur wensich Wasser uff, unnd es Wasser, dess ablaaft, schwemmt viel Sand weg.

Felix Nagel hat in 80 Tests unnersucht, womit mer Flecke am beschde entferne kann. Er iss mit seim Projekte „Fleckfrei – aach mit Hausmittel?“ im Fachgebiet Chemie angetrete unnd iss aach Regionalsieger in seim Gebiet. Er hat Baumwollstoff mit Gras, Roscht, Rotwei unnd annere Sache verschmutzt unnd dann verschiedene Hausmittel zum Fleckenentferne getescht. Felix hat Interessantes herausgefunden: „Bei Eigelb bindet das Waschmittel das Ei. Unbehandelt sieht's sauberer aus als mit Waschmaschine.“ Bei Grasselcke empfiehlt

er Gallsäaf, unnd bei Roschtflecke wirkt Tafelkreid mit Wasser am beschde. Felix unnd seim Projekte iwwerzeugt unnd iss fer de Landeswettbewerb im Mai nimmer verännere.

„Wie gut is selbschd hergeschteltes Kaugummi?“ hann sich Marieke Bellmann unnd Johannes Scheidt gefragt. Mit ihrem Test hann se e drittel Platz im Gebiet Arbeitswelt belegt. Sie hann selbschd Kaugummi noch änem Rezept aus'm Internet gemacht. „Mer braucht Chicle, dess iss sehr schwer zu bekomme. E Süßigkeide-Firma hat es uns dann gespendt. Dann noch Zucker unnd ätherische Öle fer de Geschmack. Mer mischt alles unnd mach's warm. Dann gebb's e klebriche Mass, aus der mer kleine Kugelscher formt“, erklärt Marieke. Ihr selbschd gemachtes Kaugummi hann die zwää dann mit siwwe Sorte Kaugummi aus em Supermarkt veglich. „Big Red“ unnd „Doublemint“ kame am beschde weg, es selbschd gemachte Kaugummi kam uff de drittel Platz. Ihr Fazit: Es lohnt sich, selbschd Kaugummi herzustellen, weil es wensich koschdet unnd Vegapung spart. Es hatt nur a Problem gebb, vezählt Jo-

hannes: „De Topf musste mer weschmeiße, weil mer die Mass nimmer rauskrieh hann. Mer muss sich beele unnd die Kugelscher mache, bevor die Mass kalt werd.“ Nochmal mitmache wollte die beide net: „Es war super toll, awwer die Schul werd immer schwerer, unnd es is jo aach Zeituffwand.“

Jessica Remme, de Neuzugang in de „Jugend forschd“-AG, konnt in dem Jahr nimmer am Wettbewerb teilnehmen. Sie reicht ihr Projekte beim nägschde Mol ein. Was genau se unnersucht, verrät se net. Nur so viel: Es geht ums Fachgebiet Arbeitswelt, unnd es is „e leggeres Projekte“, dess de Reschd von de AG probiere durf. Betreuungsliehrerin Marion Roth-Bauer iss stolz uff ihr erfolgreiche Schüler. Trotzdem muss se aach motiviere. Die Schüler arbeite über Monate am Projekte: Es geht los mit de Idee unnd Vorversuche. Wann die Tests gemacht sinn, misse alle Ergebnisse noch sammelgefassd unnd die Plakade fer die Präsentation gemacht werd. Dess is fer Zwölf- unnd Dreizehjährige net äafach, mäant Roth-Bauer. Für die Erschplatzierte Anna-Lena unnd Felix geht's im Mai zum Landeswettbewerb noh Ingelheim.

Palawer weje de Schulbusse

LANGEBACH: Gemeinderat iss sauer uff die Kreisverwaltung – Kinner uff de Stroß

Der Langebacher Rat hat am Mittwochend widderom alles was de beschließe war, äntimmig beschloss. Ebbes Palawer gabs, weil die Kreisverwaltung Schulbusse net iwwer Langebach fahre losse will. So misse die Kinner, die acht Stunde in Kusel Schul hann, ab der Abzweigung Langebach häm laafe.

Wie de Ortsbörjermäschder Gerd Rudolph saht, will die Kreisverwaltung erscht in zwee Johr iwwer neie Fahrplän nodenke. Das hätte die ihm geschrie, nodem er sich schriftlich beschwert hat. Erschter Beigeordneter Ralf Matzenbach saht, dass das met

denne zwee Johr veel zu lang dauert, unnd iwwerhaupt is das net reschtdens, schließlich han die Schieler an Rescht uff Schielerbeförderung.

Rudolph will, bevor man weitere Schritte inleite tut, erscht mol bei der Rechtsabteilung vom Gemeinde- unnd Städtebund horsche, wie das mit dem Recht sich verhält. Zurzeit misse die Kinn an der Abzweigung no Langebach aussteije unnd misse dann uff de Kreisstroß häm laafe. Der Ortsbörjermäschder hat aach das dem Landrat geschrie, dass das viel zu gefährlich is unnd mäa kinn froh sinn, dass noch nix bassiert is.

Die Estricharwert fer de Anbau am

Dorfgrmänschaftshaus hat der Rat an ännie Firma aus Olschbrige vergääb. Der war mit 4520 Euro der günstigste von drei Anbieter. Die Fliesearbeit soll a Flieselecher aus Kuwiller mache, der hat mit 807 Euro es billigschte Angebot abgää. Bis jetzt hat der Anbau, wie Arschitekt Michael Schweinert gesaht hat, 172.000 Euro gekoscht. Bisher konnt die Gmää abweichend von der Planung gut 10.000 Euro inspare, saht Schweinert. Die Gesamtkoschde von dem Anbau soll ungefähr 244.000 Euro koschde.

Weiter hat der Rat beschloss, dass am 12. unnd 13. Juni in Langebach es Dorffest gefeiert were soll. (res)

Unzufriede, awwer neier Vertrach

GRIES: Kän anner Angebot do fer die Aushub-Awerte uffem Friedhof

Obwohl der Grieser Rat met der Leitschd von äner Grabhauhufirma net immer zufriede war, hat ere wider met derer Firma ä Vertrach abschließe misse. Grund: Er hat kän anners Angebot gebt. Außerdem hat de Rat am Mittwochend beschloss, fier die nei Skaterbahn a Ramp zu kaufe.

Der Grabhauhuff uff em Friedhof hat de Rat bei äner Gehestimm widder an äne Firma aus Diewiller vergääb. No dem neie Angebot is der Aushub aach noch um fast 100 Prozent deier wor als vorher. Der Unternehmer brigendet das domit, weil er uff Grund der enge Verhältnisse uff dem Friedhof ä haue Awert mehr hatt. De Rat war sich ähnlich, dass ma ä bessere Lösung finne muss. Wie de Verbandsbörjermäschder, de Schoon Karl-Heinz, andeiget hat, stehe ma mit änem Landschaftsbetrieb aus Schmittwiler in Verhandlungen. Ach Thomas Bauer (FWG) hat nochmal deitlich gesaht, dass das ä Pflichtuffgab der Gmää is, unnd dass das deshalb schnell gelöst werre misst.

Äntimmig hat sich der Gmäänder entschloss, fier die nei Skaterbahn a Ramp mit Seideschutz fier ebbes iwwer 10.000 Euro se kaufe. Schonn vor zwee Johr hat der Rat beschloss, in der Näh von de Freizeitall, unne am See, fier die Juchend änen Skaterplatz einzurichte. De Rat hat selemols ausgemacht, dass der Gmäädehauhalt no Mägischkeit net belastet were sollt. An Spende sin iwwer 3000 Euro ingang, aach die Gmäädevertreter han 290 Euro gespendt. Von de Vereine im Dorf sinn nochemol 4000 Euro dozu kumm. Wann die Rampe offgestell wird, steht noch net fescht. Awwer Manfred Perschke von de FWG hat schon druff uffmerksam gemacht, dass dort, wo die Ramp hinkomme soll es nass is, unnd deseweh der Boddem aushub werre muss unnd richtig Schotter ningekippt were muss, damit aach alles gut häit.

Nodem der Gasliefervertrach mit de Stadtwerke Homburch abgelaf is, war sich de Rat ähnlich, widder von denne fiere Aldi Rathaus un es Börjehaus es Gas zu beziehe. Es Gremium hat sich dafier entschloss, mit dem Energielieferer Feschpreizte zu vereinbare unnd äne Ortsbörjermäsch-

der Gerd Heinz zusätzlich befftracht, mit de Stadtwerke nochmal zu sproche, ob die vielleicht, wenn die Gmää vorher schon bezahlt, sie noch a Rabatt bekomme. De Perschke hat gesaht, bei Privatleite däade die Stadtwerke a Rabatt gewähre.

Der Ritter-Gerin-Wesch uff Grieser Gemarkung soll ausbessert werre. Zusätzlich solle bestimmte Abschnitte a änerie Streckeführung krieh. Besonnerscht die Streck entlang de Kreisstroß, von de Lebeckmühl, kann net so bleiwe, saht der Ortsbörjermäschder. Ach zwee Hinweistafele misse versetzt were. De Rat hat die Entscheidung mol verschob, weil ma sich noch Gedanke mache will wo werklisch was gemacht werre muss.

Die alt Esche am Börjehaus is krank unnd net mäa zu rette, deshalb hat sich der Gmäänder entschloss a Fachbetrieb zu beauftrache, unnd dese Brieser zu fälle. Das Johr wolle die Grieser met denne Grieser aus em Elsass ihr 35-jähriche Partnerschaft feiere. Der Rat war sich ähnlich, die Grieser-Elsässer am 5. Oktower inzulade. Das Feschdkomitee soll erscht net de Kommunalwahl uffgestelt werre. (res)

Die selten Elsbeer bringt die hägschde Preise

THALLICHTBERSCH: Bei de Werdholzversteigerung uff de Bursch sinn geschdern 47 Aangebode ingang – Nur 20 vun de 1000 Feschtmeder sinn iwwerisch geblibb

Seit 20 Johr bringe die Nachbar-Region Wechtpalz, Saarland unnd Lothringe ihr Werdhölzer sesame, fer se mitnander de Kunne aus Deutschland, Frankreich unnd Luxeburch anschiebe. Jetzert komme aach Stämme aus Wallonie dezu. Gischter war die Frischt gesetzt, Angebote insereiche. Am Vormittach hann sich die Vertreter uff Burch Lichteberch versammelt, unnd se ze öffne unnd separat in de Räum von de Gaststätt ze sichte.

Feschtmeter hergebracht wor. Iwwer de Hälfte der Stämm dort sin Eiche; de annere Dael setzt sich aus 15 Bunt- unnd Nadelhölzer sesame. Es Forschtamt Kusel hatt erschtomols seit Bestehde der gemeinsame Versteigerung die Vertreter von der Regione zu äner Submissionsereffnung ingelaad.

Die Franzose ware konsequent in Grien geklädt komm, was bei de Reschtliche nur veränzelt ze sieh war. Aach einiche Fraue war unner de Fachleite. Gaschtgewer Klaus Grigull hot bei dem Termin bekanntgeb, dass insgesamt 47 Aangebode ingang sinn, hauptsächlich im Saarland unnd in Frankreich. Sei Bezirk Kusel traut mit eme Inschlag von zwee Promille von seim Bestand zum Angebot bei, sowohl aus Staats-, Gemeene unnd Privatwald. Es Ziel is, jährlich a Feschtmeter je Hektar Wertholz se



Do werre die Aangebode gesammelt unnd ausgeweer. FODDO: M. HOFFMANN

ermte. Bezo uff 18.000 Hektar Wald, mischte das dann viele hundert mol meh sinn. Das vorerits 300 Johr erkannte Prinzip der Nachhaltigkeit hat do noch ke lang Tradition entwikkelt. Die Not von de Mensche sellemols hat ke gerescheldie Waldwirtschaft zugelosst.

In de Vergangehat hat die Elsbeer die hägschte Preise met 1300 Euro gebung, gefolcht vun Eiche met 700 Euro, Berschahorn met 600 Euro, Kersche met 400 Euro unnd Esche met 300 Euro je Feschtmeter. Die bei uns selndes Elsbeer kimmt neue annere seltere Arte fascht ausschließliche aus durchwachsende franzesische Mittelwälder. Zufällische „Fehlbedingung“ wie Rieschelung, Drehwuchs unnd Mäskerkolle mache die mächtige Stämme sogar noch wertvoller.

Noh de Erffnung von de Aangebode ware die deitsche Aanbieter met de

Ergebnisse sefiere. De Kuseler han die Eiche im Mittel 427 Euro je Feschtmeter gebung, de beschte Stamm de unner awwer doch 840 Euro! Douglasie han 166 Euro unnd Lärche sogar 195 Euro gebung.

De deierschde Stamm war e Elsbeer. Die is fer 3000 Euro weggang.

Ausm Gemeenewald vun Langebach is e Stamm Roteiche aus Sturmwurf fer 1000 Euro verkaaft wor. De deierschde Stamm iwwerhaupt wor e Elsbeere fer 3000 Euro. Die Franzose ware awwer e bissche enttäuscht iwwer das Ergebnis insgesamt, awwer immer noch ware se uff eme hohe Niveau. Nur zwää Prozent vum Holz sinn net direkt verkaaft wor. (hje)